

 Haddii uu dhakhtarkaaga ilkuhu yidhaahdo nidaamkan ma loo isticmaali karo Denti-Cal; maxaad sameyn kartaa?

Waxaad wacdaa **1-800-322-6384** (Fadlan marka aad wacaysid qof af Ingiriiska yeqaana horey u sii kaxayso) waxaadna weydiisaa in nidaamkaas loo isticmaali karo iyo in kale. Haddii ay “Haa” yidhaahdaan arrintaas kala tasho dhakhtarkaaga ilkaha. Si uu arrintaas u xaqijiyo dhakhtarkaaga ilkuhu wuxuu warbixin wareysaneyaa Denti-Cal.

 Medicare daaweynta ilkaha ma loo isticmaali karaa?

Jawaabtu waa “Maya”.



This material was made possible by funds received from the California Department of Health Services, Refugee Health Section, under Grant #99-85832. This brochure was developed by the Alameda County Refugee Health Program.

Denti-Cal

Caymiska Caafimaad ee Ilkahaaga



August 2000 - Somali

Denti-Cal: Health Insurance for Your Teeth



Waa maxay Denti-Cal?

Denti-Cal waa caymiska caafimaad ee ilkahaaga. Caymiskaasuu wuxuu bixineyaa kharashka ku baxa xannaanadda iyo daaweynta dhibaatooyinka ilkaha ku dhaca.



Yaa la siineyaa Denti-Cal?

Haddii aad leedahay Medi-Cal, waxaad markiiba heleysaa Denti-Cal. Uma baahnid inaad arji kale buuxisid.

Haddiise aad leedahay Medi-Cal xaddidan, waxaad wareysataa xafiiska dhakhtarka ilkaha amase hawladeenka Medi-Cal kuu qaabilسان, si aad u ogaatid in ilkaha laguu daweyn karo iyo in kale.



Goormaad xaq u leedahay?

Kaadhmaaga Medi-Cal wuxuu caddeyn u yahay in aad Denti-Cal isticmaali kartid.



Dadka ku jira caymiska Alliance iyo Blue Cross ma heli karaan Denti-Cal?

Haa, laakiin caymiska Alliance iyo Blue Cross midna adeega ilkaha lagu daweyyo ma bixiyo. Sidaas darteed, waa in aad u tegtaa dhakhtarka ilkaha ee caymiska Denti-Cal aqbalaya.



Waa kuwee dhakhaatiirta ilkaha ee Denti-Cal aqbala?

Dhammaan dhakhaatiirta ilkuhu ma aqbalaan caymiska Denti-Cal. Haddii aad ogtahay dhakhtarka ilkaha ee aad u tegeysid, marka hore xafiiskooda wac oo waxaad weydiisaa inay caymiska Denti-Cal wax ku daweyneyaan iyo in kale.

Haddii aad rabtid in aad ogaatid dhakhtarka ilkaha ee aqbala caymiska Denti-Cal, waxaad wacdaa telefoonkan ah **1-800-322-6384** si aad warbixin uga heshid. (Fadlan marka aad wacaysid, qof af Ingiriiska yeqaana horey u sii kaxayso.) Marka aad wacdid qofka kula hadli doona, wuxuu ku weydiineyaa meesha aad deggan tahay, kedibna wuxuu ku siineyaa magacyadda saddex dhakhtar ilkaha ah ee agagaarkaaga ku yaala.



Carruurta iyo dhallinyaradda aan Qaan-gaadhka ahayn ma loo oggol yahay caymiska Denti-Cal?

Haa, waa haddii ay leeyihii Medi-Cal buuxa.



Maxay yihiin adeegyadda Denti-Cal kharashka ka bixiyo?

Liiska buuxa ee adeegyadda iyo nidaamyadoodu aad buu u dheer yahay. Hase ahaatee, caymiska Denti-Cal daaweynta ilkaha intooda badan waa loo isticmaali karaa. Liiskan hoos ku qoran waxay ka mid yihiin waxyaabaha Denti-Cal loo isticmaali karo:

Baadhitaanka

Buuxinta

Daboolida (Sealants)

Ka saarida

Ilka artifishaal ah (Dentures/Bridges) ilka toosinta (Orthodontics) waxay u baahan yihiin in si gaar ah loo oggolaado.

Sheybaadhka ilkaha

Nadiifinta Ilkaha

Fluoride legu dawayo

Liiskanu waa qeyb yar oo keliya. Nidaamka daaweynta aad u baahan tahay, haddii uusan liiskan ku jirin, waxaad weydiisa dhakhtarkaag ilkaha ama waxaad wacdaa telefoonkan ah **1-800-322-6384** si aad warbixin u heshid. (Fadlan marka aad wacaysid, qof af Ingiriiska yeqaana horey u sii kaxayso.)

